



Broj: 16-12-16-2-7744-~~13~~ /15
I. Sarajevo, 20. 10. 2015. godine

Na osnovu člana 10. stav (1) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12) i člana 70. Zakona o javnim nabavkama ("Službeni glasnik BiH", broj 39/14), na preporuku Komisije za provođenje postupka nabavke broj 16-12-16-2-7744/15 od 26.10.2015. godine, u postupku javne nabavke komunikacijske opreme za potrebe Državne agencije za istrage i zaštitu, zamjenik direktora Državne agencije za istrage i zaštitu, d o n o s i

ODLUKU

o izboru najpovoljnijeg ponuđača po Konkurentskom zahtjevu za dostavljanje ponuda za javnu nabavku komunikacijske opreme

Član 1.

Prihvata se preporuka Komisija za provođenje postupka nabavke broj 16-12-16-2-7744/15 od 26.10.2015. godine i ugovor o kupoprodaji komunikacijske opreme za potrebe Državne agencije za istrage i zaštitu dodjeljuje se za:

a) LOT 1 - nabavka deset ručnih radio stanica i pet setova za prikriveni rad unutar vozila za potrebe Državne agencije za istrage i zaštitu, ponuđaču „MIBO –Komunikacije“ d.o.o. Sarajevo, ponuda broj 16-12-16-2-7744-8/15 od 13.10.2015. godine, za ponuđenu cijenu od 12.360,00 KM bez uračunatog PDV-a;

b) LOT 2 - nabavka deset digitalnih telefona i tri multifunkcijska uređaja za potrebe Državne agencije za istrage i zaštitu, ponuđaču "Eding Telecom" d.o.o. Sarajevo, ponuda broj 16-12-16-2-7744-11/15 od 13.10.2015. godine, za ponuđenu cijenu od 3.450,00 KM bez uračunatog PDV-a i

c) LOT 3 - nabavka jednog Voip telefonskog sistema za potrebe Državne agencije za istrage i zaštitu, ponuđaču "King – Ict " d.o.o. Sarajevo ponuda broj 16-12-16-2-7744-9/15 od 13.10.2015. godine, za ponuđenu cijenu od 24.960,00 KM bez uračunatog PDV-a.

Član 2.

(1) Ponuđači iz člana 1. ove odluke: „MIBO –Komunikacije“ d.o.o. Sarajevo, i "King - Ict " d.o.o. Sarajevo obavezni su ugovornom organu dostaviti dokaze o ispunjavanju uslova iz tač. 3.1.2. Konkurentskog zahtjeva, dok je ponuđač "Eding Telecom" d.o.o. Sarajevo obavezan ugovornom organu dostaviti dokaz o ispunjavanju uslova iz tač. 3.1.2. i 3.1.4. Konkurentskog zahtjeva.

(2) Dokaze iz stava (1) ovog člana (orginal ili ovjerena fotokopija) ponuđači su obavezni dostaviti ugovornom organu u roku od pet dana od dana prijema ove odluke.

Član 3.

Prijedlog ugovora o kupoprodaji dostavit će se na potpis izabranim ponuđačima, po proteku roka od 10 dana, računajući od dana kada su svi ponuđači obaviješteni o izboru napovoljnije ponude.

Član 4.

Za izvršenje ove odluke zadužuje se Sektor za materijalno-finansijske poslove.

Član 5.

Ova odluka objavit će se na web stranici Državne agencije za istrage i zaštitu, istovremeno s upućivanjem ponuđačima koji su učestvovali u postupku javne nabavke.

Član 6.

Ova odluka stupa na snagu danom donošenja.

O b r a z l o ž e n j e

Postupak javne nabavke komunikacijske opreme za potrebe Državne agencije za istrage i zaštitu (u daljem tekstu: Agencija) pokrenut je Odlukom broj 16-12-16-2-7744-1/15 od 30.09.2015. godine. Postupak javne nabavke proveden je putem Konkurentskog zahtjeva za koji je obavještenje o javnoj nabvci objavljeno na Portalu javnih nabavki broj 1161-7-1-925-3-28/15 od 01.10.2015. godine.

Komisija za provođenje postupka nabavke (u daljem tekstu: Komisija) dostavila je Izvještaj o radu Komisije broj 16-12-16-2-7744/15 od 26.10.2015. godine sa preporukom za izbor najpovoljnijeg ponuđača u postupku javne nabavke komunikacijske opreme za potrebe Agencije.

Na osnovu dostavljenog Izvještaja o radu utvrđeno je da je predmet javne nabavke podijeljen na lotove kako slijedi:

- LOT 1 – nabavka deset ručnih radio stanica i pet setova za prikriveni rad unutar vozila procijenjene vrijednosti 14.700,00 KM bez uračunatog PDV-a;
- LOT 2 – nabavka deset digitalnih telefona i tri multifunkcijska uređaja procijenjene vrijednosti 3.450,00 KM bez uračunatog PDV-a;
- LOT 3 – nabavka jednog Voip telefonskog sistema procijenjene vrijednosti 26.000,00 KM bez uračunatog PDV-a.

Obzirom da je tačkom 6. Konkurentskog zahtjeva navedeno da je rok za dostavljanje ponuda 13.10.2015. godine do 13,00 sati, te da se ponude dostavljaju u zatvorenoj koverti, Komisija je dana 13.10.2015. godine u 14,00 sati izvršila javno otvaranje ponuda prema datumu i vremenu prijema.

Blagovremeno su dostavljene ukupno četiri ponude i to:

Redni broj	Naziv ponuđača	LOT	Vrijednost ponude (bez PDV-a)
1.	"MIBO – Komunikacije" d.o.o. Sarajevo	LOT 1	12.360,00 KM
2.	"King - Ict" d.o.o. Sarajevo	LOT 3	24.960,00 KM
3.	"R&S" d.o.o. Sarajevo	LOT 3	20.726,40 KM
4.	"Eding Telecom" d.o.o. Sarajevo	LOT 1 LOT 2	14.400,00 KM 3.450 KM

Komisija je nakon otvaranja ponuda, u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon) sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima.

Postupak je dalje nastavljen u smislu pregledanja dokumentacije priložene uz svaku pojedinačnu ponudu, a u cilju ocjenjivanja svakog pojedinačnog ponuđača, te njihove kvalifikovanosti shodno uslovima navedenim u Konkurentskom zahtjevu. Uvidom u sadržaj dostavljenih ponuda Komisija je utvrdila da ponuđači: "MIBO - Komunikacije" d.o.o. Sarajevo, "King - Ict" d.o.o. Sarajevo i "Eding Telecom" d.o.o. Sarajevo, ispunjavaju kvalifikacione i formalno-pravne uslove predviđene Konkurentskim zahtjevom, da vrijednosti dostavljenih ponuda ne premašuju procijenjenu vrijednost nabavke po lotovima, te da dostavljene ponude ne podliježu preferencijalnom tretmanu domaćeg.

Takođe, Komisija je utvrdila da ponuđač "R&S" d.o.o. Sarajevo ispunjava kvalifikacione uslove predviđene Konkurentskim zahtjevom, ali ne ispunjava formalno-pravne uslove iz tačke 2.1.4. Konkurentskog zahtjeva. Naime, prema tački 2.1.4. Konkurentskog zahtjeva ponuđači su bili obavezni popuniti tražene stavke iz Tabele 2 za unos podataka, koja se dostavlja uz Tehničku specifikaciju za LOT 3, tako da se jasno vidi koju opremu ili dio opreme ponuđač nudi, te za istu dostaviti tehničku dokumentaciju sa web stranice proizvođača, a sve u skladu sa napomenom iz Tehničke specifikacije. Prema napomeni iz Tehničke specifikacije ponuđač je obavezan priložiti odgovarajuću autorizaciju direktno od proizvođača opreme koja je predmet ponude (MAF- Manufacturer' s Authorization Form), u kojoj se navodi da je ponuđač ovlašten za prodaju robe koju nudi te da za istu ima osiguran servis u Bosni i Hercegovini.

Uvidom u ponudu ponuđača "R&S" d.o.o. Sarajevo Komisija je utvrdila da je navedeni ponuđač umjesto tražene autorizacije dostavio Izjavu o autorizaciji broj 7472/15 od 12.10.2015. godine u kojoj je između ostalog navedeno da zbog kratkog roka navedeni ponuđač nije bio u mogućnosti na vrijeme obezbijediti autorizaciju. Cijeneći naprijed navedeno Komisija je utvrdila da ponuda navedenog ponuđača nije sačinjena u skladu sa tačkom 2.1.4. Konkurentskog zahtjeva, zbog čega ponuda ponuđača "R&S" d.o.o. Sarajevo nije uzeta u daljnje razmatranje.

Komisija je aktom od 14.10.2015. godine tražila stučno mišljenje Sektora za operativnu podršku po pitanju zadovoljavanja postavljenih tehničkih uslova iz Konkurentskog zahtjeva, za ponuđače koji ispunjavaju kvalifikacione i formalno-pravne uslove. Sektor za operativnu podršku je aktom od 14.10.2015. godine obavijestio Komisiju da ponude kvalifikovanih ponuđača: "MIBO-Komunikacije" d.o.o. Sarajevo, "Eding Telecom" d.o.o. Sarajevo i "King-Ict" d.o.o. Sarajevo zadovoljavaju tehničke uslove tražene Konkurentskim zahtjevom.

Nakon pregledanja dokumentacije priložene uz dostavljene ponude Komisija je u smislu člana 65. st. (1) i (2) Zakona ocijenila ponude ponuđača koji ispunjavaju kvalifikacione i formalno-pravne uslove, primjenjujući kriterij najniže cijene tehnički

zadovoljavajuće ponude iz tačke 9. Konkurentskog zahtjeva i sačinila rang listu ocijenjenih ponuda, počev od najuspješnije ka najmanje uspješnoj, kako slijedi:

Redni broj	LOT	Naziv ponuđača	Vrijednost ponude (bez PDV-a) Uz primjenu prederencijalnog tretmana domaćeg
1.	LOT 1	“MIBO – Komunikacije ”d.o.o. Sarajevo “Eding Telecom” d.o.o. Sarajevo	12.360,00 KM 14.400,00 KM
2.	LOT 2	“Eding Telecom” d.o.o. Sarajevo	3.450 KM
3.	LOT 3	“King - Ict ” d.o.o. Sarajevo	24.960,00 KM

Nakon provednog postupka ocjenjivanja dostavljenih ponuda, uvažavajući dostavljeno mišljenje Sektora za operativnu podršku, Komisija je utvrdila da je ponuda ponuđača „MIBO -Komunikacije“ d.o.o. Sarajevo ocijenjena kao najpovoljnija za LOT 1, da je za LOT 2 kao najpovoljnija ocijenjena ponuda ponuđača “Eding Telecom” d.o.o. Sarajevo i da je za LOT 3 kao najpovoljnija ocijenjena ponuda ponuđača “King – Ict ” d.o.o. Sarajevo.

Shodno navedenom, prihvaćen je prijedlog Komisije i odlučeno da se predmetni ugovor o kupoprodaji komunikacijske opreme za LOT 1 dodijeli ponuđaču „MIBO – Komunikacije“ d.o.o. Sarajevo, da se za LOT 2 ugovor o kupoprodaji komunikacijske opreme dodijeli ponuđaču “Eding Telecom” d.o.o. Sarajevo i da se za LOT 3 ugovor o kupoprodaji komunikacijske opreme dodijeli ponuđaču “King - Ict ” d.o.o. Sarajevo kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 4x,
- Sektoru za mat.-fin. poslove,
- a/a.

